



Synfocity = 961

mail us at : mzsynfo@gmail.com; mizoramsynod@gmail.com - Phone - 2314648

October 31, 2024

□ Board leh Committee peng hrang hrang an ðu

Synod Inkhawmpui atana Synod Department hrang hrangte inruahman lawkna Committee chu October 18, 2024 (Zirtawpni) aþang khan neih ðan a ni.

October 29, 2024 (Thawhlehi) chawhma dar 10:00 khan Nursing College Multipurpose Hall, Synod Hospital-ah Synod Hospital Board vawi 148-na an ðu a, Synod Moderator, Rev. R. Vanlalngakan a kaihrui a. Dr. Lalþhakima, Board Secretary hnen aþangin Hospital Report ngaihthlak a ni bawk. Report-ah hian thawktu mi 12 an kaisan thu te, Hospital Centenary (kum 100-na) lawm SEC-in rem a tih thu te, Health & Hospital Sunday-ah kohhran 19 atanga sawmna dawn angin thawktu mi 22 an kal chhuah thu te, thawktu mi 35 dah ngheh an nih thu te, Indian Nursing Council-in Nursing College-a B.Sc Nursing zirna chu 2024-25 atan kalpui chhuzawm zel a remtih thu te leh thu pawimawh tak tak dangte a tel a ni.

October 30, 2024 (Nilaini) chawhma dar 10:00 khan Synod Pastoral Committee an ðu khawm a. Rev. R. Vanlalngaka, Synod Moderator-in meeting hi a kaihrui a, Rev. P.B. Mankima, Synod Secretary hnen aþangin report ngaihthlak a ni. Secretary report-ah hian zirna sang zawk zir avanga a huna Pastor induction neihpui hman lohte chu May thlaah tuang taka induction tih a nih thu te, June 17- July 18, 2024 chhungin Bial vawng Pastor-te infuihtharna tum nga neih a nih thu te, UTC-a Registrar ni lai Rev. Lalfakawma Ralte chu kum thum dang a awm leh OM-in rem a tih thu te a tel.

October 31, 2024 (Ningni) chawhma dar 10:00 khan J.M. Lloyd Hall-ah Synod Education Board an ðu a, meeting hi Rev. R. Vanlalngaka, Moderator-in a kaihrui a. Pu Lalsiammawia Fanai, Secretary-in report a pe a, report-ah hian Synod Education hnuai School hrang hranga thawktu dinhmun leh Board Exam-ah result ða tak an neih thu te, PES hnuai HSLC Exam (2024)-a PES ti ða leh mi mal ti ða-te lawmpuina leh chawimawina pek a nih thu te, Synod Higher Secondary School hnuai thawktute thlarau leh zirna lama intuai tharna neih a nih thu te, Mizo Zirlai Pawl (MZP) leh Mizoram Table Tennis Association ðangkawpin Inter School Table Tennis Tournament an buatsaihah Sikulpui zirlaiten Gold Medal an lak thu te tarlan a ni.

Synod committee peng hrang hrangte November 4-6 chhungin hetiang hian an ðu leh ang, November 4-ah Trust Committee, November 5-ah Social Front Committee leh November 6-ah Worship te an ðu ang.

□ Synod Hospital Centenary Building Lungphum Moderator-in a phum

October 29, 2024 (Thawhlehi) chawhnu dar 1 khan Synod Hospital Centenary Building Lungphum chu Synod Moderator, Rev. R. Vanlalngakan a phum. Lungphum programme hi Rev. V.L. Luaia Hranleh, Executive Secretary i/c Hospital-in a kaihrui a, Rev. C. Zoramawia, Senior Executive Secretary-in inlawmna leh report a sawi a, Rev. P.B. Mankiman lawmthu a sawi a ni.

Synod Hospital hian kum 2028-ah kum 100 a tling dawn a, chumi denchen chuan Project neih ni se tiin kum 2022 Synod Inkhawmpuiin a rel a. Hei hi bawhzui zel niin Plan and Estimate te chu SEC 302-na chuan a pawm a. Synod Hospital Centenary Building hi November 1, 2024 aþanga sak hna thawk tan turin a lungphum pawh phum a ni ta a ni.

He building hi chhawng thuma sak tur a ni a, chhawng hnuaiah Basement pathum awm tura tih a ni a. Ground Floor-ah Blood Bank a awm ang a, First Floor chu Pathology Unit atana hman tur a ni ang a. Second Floor-ah hian Microbiology Department an awm thung dawn a ni.

Synod Hospital Centenary Building hi L.T. Construction, Ramhlun Venglai chu sa tura thlan an ni a, thla 30 chhunga sak zawh tura ruahman a ni.

□ KTP

November 1-3, 2024 chhung hian Umswai Model Presbyterian Church, Karbi Anglong-ah PYF Youth Camp 2024 hmang turin CKTP Committee member, Synod Choir leh Bial aiawh mi 130 an kal ang.

❑ **Ramngaw, Nungcha leh Tuihna humhalh Video tawi insiamsiak Result puan leh lawmman hlanna inkhawm neih a ni**

Synod Social Front chuan Ramngaw, Nungcha leh Tuihna humhalh kawnga mipuite rilru tiṭhangharh thei tur video clip tawi insiamsiak a buatsaih result puan leh lawmman hlanna programme chu October 24, 2024 (Ningani) zan dar 7:00 khan Pi Zai Hall, Synod Conference Centre-ah a buatsaih.

Programme hi NI. Agnes Lalrinzuali, Assistant Co-ordinator, KṬP-in a host a. Rev. Dr. Lawmsanga, Synod Social Front Executive Committee-in hunserh a hman zawhah Upa H. Lalhmingmawia, Co-ordinator, Synod Social Front chuan intihsiak buatsaih chhan leh buatsaih a nih dan report a pe a ni.

Rev. V.L. Luaia Hranleh, Executive Secretary i/c Synod Social Front chuan thuchah sawiin, Ramngaw, Nungcha leh Tuihna humhalh kawngah a ṭha zawngin mipuite rilru a inbuatsaih chho zel a. Ramngaw, Nungcha leh Tuihna humhalh hi a Pathian thu em em a, Pathianin min duh dan pawh a ni. Kan humhalh thiam poh leh kan ram tan a ṭha a, mipui tan a pawimawh a ni tih thu a sawi a ni.

Rev. V.L. Luaia Hranleh hian intihsiaknaa lawmman dawngte hnenah lawmman a hlan a nghal a. Lawmman dawngtute chu :

1-na : Aizawl Branch KṬP (Certificate, Memento leh ₹ 30,000/-)

2-na : Lalchungnunga, Champhai Zotlang Kohhran (Certificate, Memento leh ₹ 20,000/-)

3-na : Central Jail Veng Kohhran (Certificate, Memento leh Rs. 10,000/-)

Consolation prize dawng mi sawm hnenah Certificate leh ₹ 3,000/- ṭheuh hetiang hian hlan an ni bawk:-

Bethlehem Branch KṬP

H.D. Lalrindika, Hortoki Vengchhak

Johny Lalhruaitluanga, College Veng

Khatla Kohhran

Nursery Veng Branch KṬP

P.U.C. Drama Club

Ramhlun Kohhran

Vaivakawn Vengthlang Kohhran

Zemabawk East Kohhran

Zemabawk North Branch KṬP

Video result puan leh lawmman hlan hunah hian Ramngaw, Nungcha leh Tuihna humhalh Core group aiawhin Dr. Lalbiakmawia Ngente chuan thuchah tawi a sawi a. NI. Melody Lalzirliani'n Pathian fakna hla pahni a sa a. Pu Albert Lalhmangaiha, Assistant Co-ordinator, Synod Social Front chuan lawmthu a sawi a ni.

❑ **Praise On 2024**

October 24&25, 2024 zan khan Saron Veng Kohhranah Praise On 2024 Second round (Top 30) intihsiakna neih a ni a, Top 30-ah hian Sound track hman a ni. Zan khatnaah mi 16 intihsia kin zan hnihnaah mi 14 an intihsiak a. Intihsia kte hian Pathian hla an duh ber an sa a. Top 30 aṭang hian Top 10 thlan chhuah an ni a, Top 10 intihsiakna hi November 7-8, 2024 chungin Dawrpui Kohhran Hall-ah neih a ni ang. Top 10 aṭang hi chuan live music-a zai rem a ni tawh dawn a ni. Top 10 leh Top 5 intihsiakna hi Dawrpui Kohhranah neih a ni ang.

Top 10 thlan chhuahte chu :-

- | | |
|-------------------------|--------------------------|
| 1. C. Lalthanmawii | Lungmual West Branch |
| 2. Ramdingliani | Bethlehem Branch |
| 3. Sailokima | Kulikawn Branch |
| 4. J. Lalruatsangi | Sihphir Branch |
| 5. P. Vanlalhriatpuia | Chaltlang South Branch |
| 6. Samuel Lalmuanchhana | Armed Veng Branch |
| 7. Saizampuii | Tuikual North Branch |
| 8. Lalthlanawma | Ramhlun Branch |
| 9. Maria Lalmuanpuii | Chhiahtlang Bazar Branch |
| 10. Zaithanmawii | Kolasib Vengthar Branch |

❑ **Prison Ministry**

October 26, 2024 (Inrinni) khan Champhai Kahrawt Kohhran Hall-ah Prison Ministry chuan Jail-a tuhriil dan tur leh inkhawm hruai dan tur tih thupui hmangin Seminar a buatsaih a. He hunah hian Bial pathum - Bethel, Kahrawt leh Vengsang Bial chhunga committee hrang hrang-Kohhran, Hmeichhia, K.T.P leh KPP te an tel a ni. Prison Ministry Director, Rev Lalhmuchhuaka'n paper buatsaihin, mi 300 vel an kal khawm a. Sawihona bakah, zawhna leh chhanna hun an hmang a ni.

Inrinni zan leh Pathianni zanah Prison Ministry Awareness Campaign neih nghal a ni a. Chawlhni nilengin District Jail, Champhai-ah rawngbawlina neih a ni bawk. Tun din hmunah mi 132 awmin, heng zinga mi 120 chu mipa an ni a. Hmeichhia 10 leh Naupang 2 an awm bawk.

He rawngbawlnaah hian Prison Ministry Counsellor: Pu C. Lalchhanchhuaha, Pu David Lalnunsanga Colney, Tv Lalthansanga Sailo leh Soloist, Ni H. Laltharzuali ten hun an hmang a ni.

❑ **Synod Mission Board**

◆ **Nepal Mission Field**

October 26, 2024 (Inrinni) khan belhtu thar pahnih an awm.

◆ **Arunchal & Assam Mission Field (West)**

October 27, 2024 (Pathianni) khan belhtu thar pathum an awm.

◆ **Jharkhand Mission Field**

October 27, 2024 (Pathianni) khan belhtu thar 10 an awm.

◆ **Assam Mission Field**

October 27, 2024 (Pathianni) khan belhtu thar pakhat a awm.

◆ **Karbi Anglong Mission Field**

October 27, 2024 (Pathianni) khan belhtu thar pakhat a awm.

◆ **Calcutta Mission Field**

October 27, 2024 (Pathianni) khan belhtu thar 23 an awm.

◆ **Delhi Mission Field**

October 27, 2024 (Pathianni) khan belhtu thar paruk an awm.

◆ **Cambodia**

October 27, 2024 (Pathianni) khan belhtu thar pakhat a awm.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Vathuampui	Raltlan	28	₹ 1,40,000/-
2.	Rangvamual	Leimin tuar	1	₹ 20,000/-
3.	West Serzawl	Damlo	1	₹ 10,000/-
4.	Zohmun	Damlo	1	₹ 10,000/-
5.	Chawngtlai	Damlo	1	₹ 10,000/-
6.	Aizawl Lily Veng	Damlo	1	₹ 10,000/-
7.	Thiak	Damlo	1	₹ 10,000/-
8.	Tuirial	Damlo	1	₹ 10,000/-
9.	Lallen	Damlo	1	₹ 10,000/-
			Belh khawm	₹ 2,30,000/-

❑ **FM Zoawi - Aizawl & Lunglei : Hruaina Eng Radio Programme**

November 1, 2024 (Zirtawpni) @ 7:30 p.m. :

Solo : Laldusaki - Van ruahtui, **Zaipawl :** One in Christ - Krista hnehna changtute, **Thusawi :** Pu John Lalhruaitluanga - Sunday School thiltum, **Solo :** Melody Lalzirliani - Amah chu malsawmna hnar a ni, **Rawngbawlina report**

❑ **Su Samachar Prasaran Programme :**

November 3, 2024 (Pathianni) 5:30 pm. :

Group/Choir/Solo : Sheila Lepcha - Apne Haathon Se, **Group/Choir/Solo :** Khatla Masihi Sangati - Ishu Tera Wada, **Sermon :** Rev. Darrema Hlawndo, **Group/Choir/Solo :** Hunthar Kohhran - Ibadat Karo, **Group/Choir/Solo :** Eli Varte - Apne Hathon Se

☐ **Hruaina Eng TV Programme**

- 31.10.2024 (Ningani)** 8:30 pm : Thupui zir bing
01.11.2024 (Zirtawpni) 5:00 pm : Kristian Naupang Pual
02.11.2024 (Inrinni) 5:30 pm : Puitling Sunday School Zirlai
03.11.2024 (Pathianni) 8:00 am : Weekly round up
 5:30 pm : Su Samachar Prasaran
04.11.2024 (Thawhtanni) 8:30 pm : Hruaina Eng Luang chhuak - Rev. C. Lalsangliana
05.11.2024 (Thawhlelni) 8:30 pm : Kohhran chanchin (Documentary) - Zemabawk Kohhran

☐ **Moderator leh Executive Secretary-te Programme:**

Rev. R. Vanlalngbaka : Moderator

Nov. 4-6, 2024 Synod Committee peng hrang hrang.

Rev. C. Zoramawia : Senior Executive Secretary

Nov. 4, 2024 Synod Trust Committee

Rev. V.L. Luaia Hranleh : Executive Secretary

November 4-6, 2024 Synod Committee peng hrang hrang

November 7, 2024 Women Centre zir tur interview Board

November 8, 2024 MPF Governing Board leh Hmangaihna In Committee

Rev. Dr. K. Lallawmzuala : Executive Secretary

Nov. 4, 2024 Synod Trust Committee

Nov. 6, 2024 Worship Committee

Nov. 8, 2024 Aibawk Biak In thar hawn

Nov. 9-10, 2024 Bru Convention, Sihthiang

November 2, 2024-a Synod Officers' Meeting (OM)-ah Moderator leh Executive Secretary-te an thu ang.

SYNOD REVIVAL HRIATTIRNA

November 5-9, 2024 chhung hian Synod Revival Camping Center, Neihbawiah a duh apiang tan Camping buatsaih a ni dawn a. Speaker tur chu Upa H. Lalhlimpua, Prayer Foundation Team a ni ang. Camping Fee mi pakhat tan ` 100/- a ni a, Mutbu bakah Bible, Hlabu, Pen, Note Bu ken tur a ni. Ruihtheih thil ken luh phal a ni lo a. Mobile Phone pawh ken luh phal a ni lo. Thawhlelniah lutin Inrinniah chhuah leh tur a ni ang. Camp neihna hmun Neihbawiah chhun dar 12 - tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. Ei leh in chu Synod-in a tum vek dawn a ni.



www.mizoramsynod.org

Synod Information & Publicity

Phone - 2314648

Synfo

YouTube channel: Synod Information